

Huldigung gehöriger massen geleistet worden: Von welcher Zeit an dieses Fürstenthumb bey Sr. Fürstl. Gn. Nachfolgern an der Regierung / nach dem die Fürstliche Harburgische und Dannenbergische Linie / durch absonderliche auffgerichtete Fürstliche Verträge davon gänzlich abgefunden/beständig verblieben/vnd heutiges Tages dem Durchleuchtigen/Hochgebornen Fürsten vnd Herrn/Herrn Christian Ludwigen/Hersogem zu Braunschweig vnd Lüneburg / für seinen Landesfürsten erkennet. Inmassen dann S. Fürstl. Gn. gleich dero Herren Vorfahren/ dero Land-Drost vnd Räte dahin verordnet/ welche die Regierung daselbst/bis an Sr. Fürstl. Gn. vnd dero verordnete Haupt-Regierung zu Zell / führen / vnd des Landes Wolfahrt beachten müssen.

Topographische Beschreibung der Graffschafft Blanckenburg vnd Reinstein.

Der Graffschafft alter Name.

Die Graffschafft Blanckenburg vnd Reinstein/welche jeso dem Durchleuchtigen/Hochgebornen Fürsten vnd Herrn/Herrn Augusto, Hersogem zu Braunschweig vnd Lüneburg/sampt allen pertinentiis, eigenthumblich zugehört/ist vor Alters Hartingow/Hartegow/vnd Hartgow/wie die Keyserlichen diplomata, vnd andere Urkunden bezeugen/ das ist/ das Gow an vnd auff dem Hars/derominiret vnd genennet worden. Denn gleich wie die Römer ihr Land vnd Leute in gewisse Provincien/ vnd die Provincien hinwieder in praefecturas, praesidiatus, colonias vnd municipia eingetheilet/ Also haben die alten Teutschen ihr Teutschland in gewisse pagos, Pflagen/ oder Gouen/ vnd die Gouen fürter in Voigtreyen oder Dingstüle abgetheilet.

Alte Welttschafft derselben.

Unter solchen Gouen ist das Hartingow eins von den ältisten/vornehmsten/vnd mächtigsten gewesen/ zumahl die alten Teutschen so wol zu Friedenszeiten/ wegen der Wildbahn vnd Jagt/ (deren sie mehr dann des Ackerbawes/ vnd anderer Nahrung gepflagen) als zu Kriegeszeiten/ wegen des Vortheils wider die Feinde/ sich gern im Harswalde finden vnd antreffen lassen. Zu geschweigen daß dieses Gow einen zimbarlichen tractum, vnd die ganze Pflege vom Hessendam/ vmb Halberstatt/ an vnd auff dem Hars/ Insonderheit die Dingstüle/

1. Dem Drieberge/
2. Zu Osterwick/
3. Zu dem Nyßken/
4. Zu dem Frevele/
5. Zu Eilicksdorff/
6. Zu Bisleben/oder Bhrschleben/
7. Zu Bplingen/
8. Zu Wedderschleben/vnd dergleichen mehr.

Wie auch folgende Dertter/

Halberstatt/
Gräningen/
Dscherschleben/
Korsheimb/
Ditfurt/

D

Wolfs